

Powšitkowne WOZJEWJENJA

njedźelu, 14. septembra 2025

Patronatna Boža mša w Chrósćicach

Wobydlerjo a přistajeni Domu swjateje Ludmile w Chrósćicach změja wutoru, 16. septembra, swój patronatny swjedžen. Patronatna Boža mša budže w 10.00 hodž. we wosadneje cyrkwi. Wšitcy wěriwi su wutrobnje přeprošeni.

Nyšpor z požohnowanjom konjacych zapřahow

Towarstwo Cyrila a Metoda z.t. přeprošuje wšitkich wěriwych zaso na wosebity nyšpor domchowanki z požohnowanjom konjacych zapřahow. Tón budže njedźelu, 28. septembra, w 14.00 hodž. na łuce při Hatkach w Chrósćicach. Lětsa wobrubja jón Ralbičanscy dujerjo kaž tež Njebjelčanski młodžinski chór.

Zhromadny dzeń za džěci 4. a 5. lětnika

Worklečanske dekanatne dušepastyrstwo za džěci a młodzinu přeprošuje džěci 4. a 5. lětnika na zhromadny dzeń pod heslom „Swjaty Carlo Acutis – přikład tež za mnje?!“. Tón budže srjedu, 8. oktobra, wot 9.00 do 15.00 hodž. w Don Boskowym domje we Worklecach. Zajimcy měli so hač do srjedy, 1. oktobra, online přizjewić. Link je pod www.posol.de wozjewjeny. Za wudawki dnja zběraja wot kóždeho wobdźělnika přinošk we wysokosći pjeć eurow.

Premjera noweho zarjadowanja

„Swětlowy wječor za přećelow“ je hesło přenjeho zarjadowanja noweho rjadu, na kotryž přeprošuje kruh přećelow klóštra Marijineje hwězda w Pančicach-Kukowje. Wone budže sobotu, 20. septembra, w 17.30 hodž. w klóšterskej kofejowni swjateho Michała. Wšitcy su wutrobnje přeprošeni. Dr. Marius Winzeler a sotra Tadeja Zelnakec budžetaj wo klóštrje a jeho jandželach přednošować. Zdobom zhonja zajimcy wjace wo wosebitym małym jandželu, kotrehož restawrowanje móža podpěrać. Zastup za zarjadowanje wučinja na wosobu 25,00 eurow. Zapřijate su kulinarske zastaranje kaž tež 5,00 eurow dara za restawrowanje jandžela, kotryž tón wječor předstaja. Zastupne lisćiki dóstanu zajimcy jenož w předpředani w klóšterskej pjekarni a kofejowni swjateho Michała.

Na filmowy wječork

Přichodny filmowy wječork w Budyskim ekumeniskim tachantskim wobchodže budže pónđzelu, 22. septembra, w 19.00 hodž. Tónraz pokazaja film „Ein Lied in Gottes Ohr“ francoskeho dźiwadźelnika a awtora Fabrice Eboué. Wšitcy zajimcy su přeprošeni. Zastup je darmotny, wo dary proša.

Wustajeńca z mólbami

Wustajeńca z mólbami Marija Ošiki je hišće hač do štwórtka, 18. septembra, w Chrósćanskim gmejnskim zarjedže přistupna, a to k wotewrjenskim časam zarjada: pónđzelu, wutoru a štwórtk wot 9.00 do 12.00 hodž., wutoru tohorunja wot 14.00 do 17.30 hodž. a štwórtk wot 14.00 do 16.00 hodž. Tam móža sej zajimcy tohorunja knihu wuměłca „Za wokeńcu – Einblicke“ za 17,00 eurow kupić.

Zastupne lisćiki za pasionske předstajenje online kupić

Pasionske předstajenje „Sćěhuj mje!“ móža sej zajimcy hišće sobotu a njedźelu, 13. a 14. septembra, stajnje w 19.30 hodź. w Chrósćicach na farskej łuce wobhladać. Zastupne lisćiki móža sej dale na internetowej stronje Katolskeho Posoła www.posol.de/pasion-2025 kupić, ale tež při kasy. Džěci hač do 16 lět maja darmotny zastup, 16- do 18lětni maja 10,00 eurow a dorosćeni 17,00 eurow zapłaćić. Nimo toho časnikar Jürgen Njek w Chrósćicach zastupne lisćiki za pasionske předstajenja předawa.

Relikwiar swjateje Terezije z Lisieuxa w Budyšinje

Składnostnje lětušnje 100. róčnicy swjatoprajenja swjateje Terezije z Lisieuxa (1873–1897) budže relikwiar, pućowacy po cyłej Němskej, z někotrymi jeje smjertnymi powostankami wot srjedy do pjatka, 17. do 19. septembra, w Drježdžansko-Mišnjanskim biskopstwje. Wšitcy wěriwi su přeprošeni relikwije česćować, na přikład sami čicho, abo so k modlenju a Božim službam zhromadzić. Přernja planowana stacija je Budyska cyrkej Našeje lubeje Knjenje, dalša budže cyrkej swjateho Antonija w Drježdžanach-Löbtauwe a jako poslednja wosada swjateje Terezy w Flöha. Za wšitkich serbskich wěriwych budže srjedu, 17. septembra, we 18.00 hodź. nyšpor z duchownymi impulsami a wujasnjenjemi. Nazajtra, štwórtk, 18. septembra, w 9.00 hodź. swjeća Božu mšu w cyrkwi Našeje lubeje Knjenje za wšěch wěriwych. Na česćowanje su wěriwi ze wšitkich wosadow přeprošeni.

Boža služba za samodruhe žony

Boža služba z wosebitym žohnowanjom za wšitke žony, kotrež džěćo wočakuja, budže njedźelu, 28. septembra, w 15.00 hodź. w foyerje Domu katedrale w Drježdžanach. Přizjewjenje njeje trěbne.

Wukubłanje na telefonoweho dušepastyrja

Hornjołužiske telefonowe dušepastyrstwo poskićuje wukubłanje za čestnohamtske sobuskutkowanie. K tomu su wšitcy zajimcy na informaciske zarjadowanja přeprošeni. Tajke budu mjez druhim po štwórtkomaj, 11. septembra, w 19.00 hodź. w rumnosćach wokresneje ludoweje uniwersity w Kamjencu, Macherowa 144, kaž tež 18. septembra, tohorunja w 19.00 hodź. w Budyskim Ekumeniskim tachantskim wobchodze.